

重刊道藏輯要

悟真篇卷之上

紫陽真人張伯端著

雲陽道人朱元育闡幽

悟真篇者宋紫陽真人天台張平叔所撰也紫陽出海蟾劉祖派下爲南宗第一祖憫世人不知金丹大道墮落旁門特作此書令學者窮理盡性以至於命耳此書源頭出自陰符道德兩經其作用則略仿參同契大抵是恐泄天機不敢直說故有藥物鑪鼎火候之法象有乾坤坎離龍虎鉛汞之寓言奈何言之愈諱世人愈加茫昧孰知真者卽人人具足之

道藏輯要

悟真篇  
卷之上

壹

奎集三

真性命也性命在先天本來一體在後天必須全修大約有爲之功所以了命無爲之道所以了性性命俱了適還其具足之本來有爲卽無爲後天卽先天也所謂無上至真之道也篇中種種法象寓言迷之卽一切皆妄悟之卽一切皆真蓋言真則性命在其中言悟則窮理盡性以至於命悉在其中矣書中大約分性命兩宗性宗是無聖無凡妙覺本源人

人可以與聞命宗乃是超凡入聖金丹作用非真師無由啟發兼之近代旁門妄加箋註迷誤後學下者甚至流入鑪火彼家高者亦不過獨修一物祖意晦塞久矣天不愛道愚敢盡泄師授真詮以闡其幽焉